



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliarvm Omnivm Generalivm Et Provincialivm Collectio Regia**

Ab anno CCCXIV. ad annum CCCXLVI.

**Parisiis, 1644**

Canones Concilii Gangrensis, Ex interpretatione Dionysii Exigui.

**urn:nbn:de:hbz:466:1-15072**

domos Dei honoramus, & qui sunt in iis Conuentus, vt sanctos & vtilis recipimus, non pietatem in domibus includentes, sed omnem locum in Dei nomine edificatum honorantes, & quæ fit in ipsa ecclesia, Congressionem ad publici vtilitatem recipimus, & insignes fratrum beneficentias, quæ tamquam secundum traditiones sunt per ecclesiam in pauperes, laudamus: & vt semel dicamus, quæ a diuinis scripturis & apostolicis traditionibus tradita sunt, in ecclesia fieri optamus.

Ἐν οἰκοῖς τῆς θεοῦ προῶν, καὶ τὰς σωόδοις τὰς ἐπὶ αὐτοῖς, ὡς ἀγίας ἐπιπέφειλεις δόξασθαι. ἢ συκλείοντες τὴν βίσσειαν ἐν τοῖς οἰκοῖς, ἀλλὰ πάντα τόπον ἐπὶ ὀνόματι τῆς θεοῦ οἰκοδομηθέντα μιῶντες. καὶ τὴν ἐν αὐτῇ τῇ ἐκκλησίᾳ τῆς θεοῦ σωόδοις κοινῶν, εἰς ὠφέλειαν τῆς κοινῆς, δόξασθαι. καὶ τὰς καθ' ὑπερολίαν βίσιαις τῶν ἀδελφῶν, τὰς κατὰ τὰς παραδόξας διὰ τῆς ἐκκλησίας εἰς τὸν πτωχοῖς γινόμενας, μακαρίζοντες. καὶ πάντα σωελόντας εἰπεῖν, τὰ παραδοθέντα ὑπὸ τῶν θεῶν γραφῶν καὶ τῶν ἀποστολικῶν παραδόσεων, ἐν τῇ ἐκκλησίᾳ γίνεσθαι βίσιαις.

CANONES  
CONCILII GANGRENSIS.

Ex interpretatione Dionysii Exigui.

TITVLI CANONVM.

- |   |   |
|---|---|
| I. De his qui nuptias damnant.                                    | contemni.   |
| II. De his qui carnes manducantes damnant.                        | XII. De continentibus, & vsu palliorum.                               |
| III. Non debere seruum, occasione religionis, dominum contemnere. | XIII. Non debere mulierem continentia causa virilem habitum usurpare. |
| IV. De oblatione presbyteri coniugati.                            | XIV. Non debere condemnantem nuptias a viro discedere.                |
| V. Orationes ecclesie non debere contemni.                        | XV. Non debere quemquam continentia causa filios suos negligere.      |
| VI. Non debere extra ecclesiam congregari.                        | XVI. Ne filii, occasione religionis, parentes suos despiciant.        |
| VII. De fructibus in ecclesiam, & non alibi, dandis.              | XVII. Caput tondere mulieri non licere.                               |
| VIII. De his quæ in vsus pauperum conferuntur.                    | XVIII. Non debere die dominico ieiunare.                              |
| IX. Virginitati studentem non debere nuptias execrari.            | XIX. Non licere communia ieiunia soluere.                             |
| X. De his qui pro virginitate superbiunt.                         | XX. Communicandum in basilicis martyrum.                              |
| XI. Agapen fratrum non debere                                     |   |

ANNO CHRISTI

CANONES.

I.

Si quis vituperat nuptias, & dormientem cum viro suo fidelem ac religiosam detestatur, aut culpabilem æstimat, velut quæ in regnum Dei introire non possit, anathema sit. Distin. 31. Si quis vituperat. Distin. 30. Si quis nuptias in ac.

II.

Si quis carnem edentem, præter sanguinem, & idolis immolatum, & suffocatum, cum religione & fide condemnat, velut spem propter huiusmodi perceptionem non habentem, anathema sit. Dist. 30. Si quis carnem man.

III.

Si quis feruum, prætextu diuini cultus doceat dominum contemnere proprium, vt discedat ab eius obsequio, nec ei cum beneuolentia & omni honore deferuiat, anathema sit.

IV.

Quicumque discernit a presbytero qui vxorem habuit, quod non oporteat eo ministrante de oblatione percipere, anathema sit.

V.

Si quis docet domum Dei contemptibilem esse, & Conuentus qui in ea celebrantur, anathema sit. Dist. 30. Si quis docet do.

VI.

Si quis extra ecclesiam seorsum Conuentus celebrat, & despiciens ecclesiam, ea quæ sunt ecclesiæ voluerit vsurpare, non conueniente presbytero, iuxta decretum episcopi, anathema sit. Dist. 30. Si quis extra eccles.

VII.

Si quis oblationes ecclesiæ extra ecclesiam ac-



cipere, vel dare voluerit, præter conscientiam episcopi, vel eius, cui huiuscemodi officia commissa sunt, nec cum eius voluerit agere consilio, anathema sit.

VIII.

Si quis dederit, vel acceperit oblata præter episcopum, vel eum qui constitutus est ab eo, ad dispensandam misericordiam pauperibus, & qui dat, & qui accipit, anathema sit.

IX.

Quicumque virginitatem custodiens, aut continentia studens, velut horrescens, nuptias temerat, nec propter hoc, quod bonum & sanctum est, nomen virginitatis assumit, anathema sit.

X.

Si quis ex his qui virginitatem propter Dominum seruant extollitur aduersum coniugatos, anathema sit.

XI.

Dist. 42. Si quis despici-

u Si quis despicit eos qui fideliter agapas, id est, conuiuia pauperibus exhibent, & propter honorem Dei conuocant fratres, & noluerit communicare huiuscemodi vocationibus, paruipendens quod geritur, anathema sit.

XII.

Si quis virorum propter continentiam, quæ putatur, amictu pallii vtitur, quasi per hoc habere se iustitiam credens, & despicit eos qui cum reuerentia birris & aliis communibus & solitis vtuntur, anathema sit.

XIII.

Dist. 40. Si qua mulier.

Si qua mulier propter continentiam, quæ puta-

ANNO CHRISTI  
tur, habitum mutat, & pro solito muliebri amictum virilem fumat, anathema fit.

XIV.

Si qua mulier virum proprium relinquens, discedere voluerit, nuptias execrans, anathema fit. Ibidem.

XV.

Si quis filios suos relinquens non eos enutrit, & quod ad se pertinet, non ad pietatem diuini cultus informat, sed per occasionem continentiae negligit, anathema fit.

XVI.

Quicumque filii a parentibus praetextu diuini cultus abscedunt, nec debitam reuerentiam dependunt illis qui diuinum cultum sibi procul dubio praeferrunt, anathema sint.

XVII.

Si qua mulier, propter diuinum cultum (vt aestimat) crines attondeat, quos ei Deus ad subiectionis materiam tribuit, tamquam praecipuum dissoluens obedientiae, anathema fit.

XVIII.

Si quis propter continentiam, quae putatur, aut contumaciam, in die dominico ieiunat, anathema fit.

XIX.

Si quis eorum qui continentiae student absque necessitate corporea tradita in commune ieiunia, & ab ecclesia custodita superbiendo dissoluit, stimulo suae cogitationis impulsus, anathema fit. Dist. 30. Si quis eorum qui in.

XX.

Si quis superbiae vsus affectu, Conuentus abo-

minatur, qui ad confessiones martyrum celebrantur, & ministeria quæ in eis fiunt simul cum eorum memoriis execratur, anathema sit.

Et subscripserunt supra nominati sexdecim episcopi.

Distin. 30.  
Hæc autem  
scripsimus.

Hæc autem scripsimus, non, qui in ecclesia Dei secundum scripturas sanctum propositum continentia eligunt, vituperantes, sed eos qui abutuntur proposito in superbiam, & extolluntur aduersus simplices, abscindimus, & damnamus eos qui aduersum scripturas & ecclesiasticas regulas noua introducunt præcepta. Nos autem & virginitatem cum humilitate admiramur, & continentiam quæ cum castitate & religione suscipitur approbamus, & renuntiationem sæcularium negotiorum cum humilitate recipimus, & nuptiarum castum vinculum honoramus, & diuitias cum iustitia & operibus bonis non spernimus, & habitum simplicem ac vestem viliorem, pro corporis diligentia infucatum, laudamus, sicut etiam solutas ac fractas in vestibus processiones reprobamus. Et domos Dei honoramus, & Conuentus qui in his fiunt, tamquam sanctos & utiles suscipimus, pietatem in priuatis domibus non claudentes, sed omnem locum in nomine Dei ædificatum honoramus, & congregationem in eadem ecclesia factam pro vtilitate communi recipimus. Et bona opera, quæ supra vires in fratres pauperes exercentur, secundum ecclesiasticas traditiones beatificamus, & omnia quæ per sanctas scripturas & per apostolos sunt tradita, in ecclesia celebrari exoptamus.

CANO-